

Sperance deludude

O' sisile .. sisilute
ben tornade da lontan
bièle cjare me ninute
ti saludi cu le man.

Al'è tant che jò ti spieti
par podèti fevelà,
jò vuei diti tant ripeti
di fermati simpri ca.

Di restà te me cjasute
cujetute sul nidùt,
cjante simpri sisilute,
svole tant atôr par düt.

Svole, cjante ogni matine
che la cjante fâs fui,

Poesie e Racconti Friulani

la tristece pevarine
tant il timp e fâs patì.

Fate dongje maledete
la stagjon che ûl cussì,
pè sisie benedete
il destin la fâs partì.

Pui no viôt la sisilute
no la sint cjantà par me,
sconsolât jò la viôt brute,
tal gnò vivi cence jè.